



大改

一  
二

宣


元年  
十一月

服部文庫

117

207

13



117  
207  
13

春秋左傳註疏卷第二十一

宣元年  
宣四年

晉杜氏註

唐孔穎達疏

宣公

○陸曰宣公名倭一名接又作委文  
公子毋敬嬴諡法善問周達曰宣  
云宣公名倭或作接文公之子敬嬴所生以佳王  
五年即位是歲歲在壽星諡法善問周達曰宣

經元年春王正月公即位無傳○公子遂如齊逆女

不譏喪娶者不待貶責而自明也卿為君逆例在

文四年○娶七喻反  
不譏至四年○正義曰文  
公喪未期此時已娶違禮不

譏者此事甚惡言不待貶責而其惡自明也昭元年  
公羊傳曰春秋不待貶絕而罪惡見者不貶絕以見



及古蜀

罪貶絕然後罪惡見者貶絕以見罪惡是其義也文四年逆婦姜于齊傳云卿不行非禮也是卿為君逆也例三月遂以夫人婦姜至自齊稱婦有姑之辭

不書氏史闕文敬嬴在是有姑也夫人以姜為姓

舉姓而稱姜氏去氏稱姜則不成文義知不稱氏者史闕文也傳言新作延廢而經無作字是作傳之時

經猶未闕於後經始闕耳此文傳亦無氏知其本史先闕故云史闕文而不云經闕文也史文既闕仲尼

不正之者以無所褒貶故因其詳畧也諸經所闕者或史文先闕仲尼不改或仲尼具文在後始闕公羊

穀梁漢初始為其傳見其闕文妄為之說非其實也公羊傳曰夫人何以不稱姜氏貶曷為貶譏喪娶喪

娶者公也則曷為貶夫人內無貶于公之道也內無貶于公之道則曷為貶夫人夫人與公一體也穀梁

之意亦然先儒取以為說服虔云古者一禮不備貞女不從故詩云雖速我訟亦不女從宣公既以喪娶

貞



夫人從亦非禮故不稱氏見畧賤之也杜不然者女之出嫁事由父母夫來取之父母許之豈得問禮具否拒逆婚姻之命從夫喪娶父母之咎自可罪其父母何以貶責夫人若其貶責夫人當去夫人之號減一氏字復何所明夫人之稱姜氏猶遂之稱公子也舍遂之族而去子稱公可乎亦知遂不可去子稱公夫人復安可以去氏稱姜也逆婦姜于齊以卿不行變文畧賤此經貶遂不稱公子以成夫人之尊并畧賤之事也詩責疆暴之男行不由禮陳其爭訟之辭述其守貞之意此豈是宣公淫掠而欲令齊女守貞哉

夏季孫行父如齊

晉放其大夫胥甲父于衛放者受罪黜免宥之以遠

宥音又放者至以遠正義曰舜典云流宥五刑孔安國云以流放之法寬五刑是放者有罪

春秋左傳

卷之三十一

及古

當刑而不忍刑之寬其罪而放棄之也三諫不從待  
 放而去者彼雖無罪君不用其言任令自去亦是放  
 棄之義放之與奔俱是去國而去情小異釋例曰奔  
 者迫窘而去逃死四隣不以禮出也放者受罪黜免  
 宥之以遠也臣之事君三諫不從有待放之禮故傳  
 曰義則進否則奉身而退迫窘而出奔及以禮見放  
 俱去其國故傳通以違為文仲尼修春秋又以所稱  
 為優劣也言優劣者放者君舍其罪緩步而出是其  
 優也奔者止則懼死奔馳而去是其劣也昭八年楚  
 人執陳公子招放之于越哀王年蔡人放其大夫公  
 孫獵于吳與此胥甲父等皆甘心受罪黜其官位宥  
 之以適遠方是實放而書放也襄二十九年傳稱齊  
 公孫薑公孫竈放其大夫高止於北燕書曰出奔罪  
 高止也高止好以事自為功且專故難及之彼罪高  
 止故實放而書奔也然則文十四年傳稱宋高哀不  
 義宋公而出遂來奔高哀無罪亦改放而書奔者放  
 者緣遣者之意為義奔者指去國之人立文據其所  
 往之處皆是從外來耳高哀身來至魯自魯而稱來

奔不書宋人之意故不得言放此乃外內之文異耳  
 叛者以地適他稱叛人魯則稱來奔亦此之類也

公會齊侯于平州

平州齊地在泰山牟縣西

○年亡侯反

公子遂如齊

六月齊人取濟西田

魯以賂齊齊人不用師徒故曰取

秋邾子來朝

無傳

楚子鄭人侵陳遂侵宋晉趙盾帥師救陳

傳言救陳

宋經無宋字蓋闕

○盾徒本反

傳言至蓋闕○正義曰陳宋俱被楚侵明其

並救二國傳稱救陳宋而經無宋字故設疑云蓋闕也服虔云趙盾既救陳而楚師侵宋趙盾欲救宋而

楚師解去按經傳皆言侵陳遂侵宋陳在宋南是先  
侵陳去陳乃侵宋也若趙盾越宋而南救陳猶及楚  
師北迴救宋安得不及楚也若言欲救宋而楚師解  
去則救陳之時楚師已向宋矣何以書救陳也蓋以  
陳既被侵方始告晉晉人起師救陳楚又移師侵宋  
晉師比至於鄭楚師既已去矣故諸國會于棐林同  
共伐鄭棐林鄭地明晉始至鄭不得與楚相  
遇故竟無戰事言救陳宋者皆是致其意耳

**宋公陳**  
**侯衛侯曹伯會晉師于棐林伐鄭**  
晉師救陳宋四

國君往會之共伐鄭也不言會趙盾取於兵會非好

會也棐林鄭地滎陽宛陵縣東南有林鄉○棐芳尾反好呼報

反言于棐林者行會禮然後伐桓十五年公會宋公衛

侯陳侯于袤伐鄭亦行會禮乃伐與此同也晉師趙

盾為將不言會趙盾而言晉師者取於兵會非好會  
言所會會其兵非會其人故稱師案定八年公會晉  
師于瓦註云卿不書禮不敵公知此非為趙盾不敵  
公侯稱師者沈氏云此會有宋公陳侯等猶成二年  
會于蜀有蔡許之君故知此非為趙盾不得敵諸  
侯但取於兵會彼會于瓦唯有公故知與此異耳

**冬晉趙穿帥師侵崇**  
崇本亦作密

**晉人宋人伐鄭**

**傳元年春王正月公子遂如齊逆女尊君命也**  
諸

侯之卿出入稱名氏所以尊君命也傳於此發者與

還文不同故釋之諸侯至釋之○正義曰氏者

所以尊君命言君命重故貴臣行人貴則君命尊  
也諸侯之卿出入稱名氏者若宋華元衛元咺之類

是也如魯卿公孫敖長歸尚稱氏明生歸亦然其歸  
 父意如叔孫婁不稱氏者各有所為與常例不同也  
 會盟征伐具名氏者皆是尊君命也傳獨於此發者  
 為其與還文不同故於此釋之釋例曰昏禮雖奉時  
 君之命其言必稱先君以為禮辭故公子翬逆女傳  
 曰修先君之好公子遂逆女傳稱曰尊君命互發其  
 義也**三月遂以夫人婦姜至自齊尊夫人也**遂不言

公子替其尊稱所以成小君之尊也公子當時之寵

號非族也故傳不言舍族釋例論之備矣○稱尺證反舍音捨

**遂不至備矣**正義曰公子亦是寵號其事與  
 族相似魯臣有罪則貶去其族族去則非卿今遂  
 與夫人俱至物無兩大人不並尊若從夫人者尊則  
 夫人卑矣故替其尊稱令從夫人者卑則夫人尊矣  
 釋例曰往必稱族以示其重還雖在途必舍族以替  
 之所以成小君之尊是其義也成十四年叔孫僑如

逆女及以夫人至其文與此正同彼傳云稱族尊君  
 命舍族尊夫人此傳不言稱族舍族者釋例曰傳云  
 公子遂如齊逆女尊君命也遂以夫人婦姜至自齊  
 尊夫人也叔孫僑如逆女則往曰稱族還曰舍族然  
 則公子公孫繫公之常言非族也是言公子非族故  
 與彼異文公子雖則非族稱舍亦與族同故其言尊  
 君命尊夫人與彼亦不異也所以異者族必君賜乃  
 稱之公子公孫繫公之常言不須待賜乃稱之耳

**○夏季文子如齊納賂以請會**宣公篡立未列於

會故以賂請之○篡初患反**○晉人討不用命者放胥甲**

**父子衛**胥甲下軍佐文十二年戰河曲不肯薄秦

於險○胥甲至於險○正義曰按彼傳胥甲與趙

穿見晉君之婿或本罪○穿同罪放胥甲而舍趙穿者於時趙盾為政**而立胥克**克甲之子**先辛**

奔齊國辛甲之屬大夫○會于平州以定公位國篡

立者諸侯既與之會則不得復討臣子殺之與弑君

同故公與齊會而位定○復扶國篡立至位定○

王政不行諸侯自相推戴廢立不由天子篡弑而立

則鄰國討之若與之會則序之於列成其為君諸侯

既已為會則臣子不得復討若其殺之則與弑君罪

同宣公殺子惡而取國常畏魯人討已心不自安納

賂請會故既與齊會而公位乃定成十五年戚之會

乃有罪乎若有罪則君列○東門襄仲如齊拜成國

謝得會也○六月齊人取濟西之田為立公故以賂

齊也國濟西故曹地僖三十一年晉文以分魯○為

反○宋人之弑昭公也國在文十六年晉荀林父以

諸侯之師伐宋宋及晉平宋文公受盟于晉又會諸

侯于扈將為魯討齊皆取賂而還國文十五年十七

年二扈之盟皆受賂國文十至受賂○正義曰杜

事乃得稱皆故指二扈之盟以充皆義劉炫云案傳

數晉罪近發宋弑昭公前扈之盟文所不及何當虛

指其事言皆取賂炫謂宋及晉平取宋賂為魯討齊

取齊賂也案此言會諸侯于扈文承宋人之弑昭公

下知非十七年會于扈既取宋賂又取齊賂而稱皆

必為十七年十五年二扈之盟者案十七年會于扈

尋檢經傳全無魯討齊之事豈得違背經傳妄指十

七年乎但宋弑昭公其罪既大故先言之為魯討齊

其失小故後言之劉炫以傳文先後顛倒又以會于

扈為十七年之事違背經傳而規杜非也取賂而還

及古蜀

春秋

卷之二十一

湯古陽

書本或云取齊賂而還檢勘古本及杜註意竝無齊字文十七年宋及晉平唯受宋賂十五年會扈受齊賂耳傳言皆者皆齊宋也故知皆取齊賂者非也鄭穆公曰晉不足與也遂

受盟于楚陳共公之卒楚人不禮焉卒在文十二

年音恭陳靈公受盟于晉秋楚子侵陳遂侵宋晉趙

盾帥師救陳宋會于棐林以伐鄭也楚薦賈救鄭遇

于北林音解與晉師相遇滎陽中牟縣西南有林亭在

鄭北囚晉解揚晉人乃還音蟹解揚晉大夫○晉

欲求成於秦趙穿曰我侵崇秦急崇必救之音崇崇秦

之與國秦急崇絕句本或作崇崇急崇○正義急秦必救之是後人改耳崇是秦之與

國故秦人急於援崇吾以求成焉冬趙穿侵崇秦弗與成○晉

人伐鄭以報北林之役報囚解揚於是晉侯侈趙

宣子為政驟諫而不入故不競於楚競強也為明

年鄭伐宋張本侈昌氏反又戶氏反驟仕救反

經二年春王二月壬子宋華元帥師及鄭公子歸生帥

師戰于大棘宋師敗績獲宋華元得大夫生死皆

曰獲例在昭二十三年大棘在陳畱襄邑縣南宋

至生帥師○正義曰此華元歸生及哀二年趙鞅罕達客主各言帥師者皆是將尊師眾故竝具其文或

於歸生之下無帥師之字脫耳○得大至縣南○正義曰此獲華元生也哀十一年獲齊國書死也以

春秋

卷之二十一

及古蜀



此知生死皆曰獲昭二十三年傳云書曰胡子髡沈子逞滅獲陳夏鬻君臣之辭也傳言書曰是仲尼變也例

秦師伐晉

夏晉人宋人衛人陳人侵鄭鄭為楚伐宋獲其大夫

晉趙盾與諸侯之師將為宋報恥畏楚而還失霸者

之義故貶稱人偽為楚于鄭為至稱人○正義曰諸經貶諸侯之卿稱

人者傳皆言其名氏此傳唯稱趙盾及諸侯之師侵鄭諸侯之將不言名氏則實是微者非貶之也趙盾畏楚而還故貶之稱人釋例曰鄭受楚命伐宋大敗宋師獲其二卿此晉之不競也晉於是申命衆國大起其衆將以雪宋之恥取威定霸趙盾為政而畏越椒之盛不敢遂其所志託辭班師失宋之心孤諸侯

之望所以致貶也

秋九月乙丑晉趙盾弑其君夷臯靈公不君而稱臣

以弑者以示良史之法深責執政之臣例在四年臯

古刀靈公至四年○正義曰釋例曰經書趙盾反弑君而傳云靈公不君又以明於例此弑宜

稱君也弑非趙盾而經不變文者以示良史之意深責執政之臣傳故特見仲尼曰越竟乃免明盾亦應受罪也雖原其本心而春秋不赦其罪蓋為教之遠防

冬十月乙亥天王崩無傳

傳二年春鄭公子歸生受命于楚伐宋受楚命也

○受命于楚本宋華元樂呂御之二月壬子戰于大

特

棘宋師敗績囚華元獲樂呂樂呂司寇獲不書非

元帥也獲生死通名經言獲華元故傳時護之曰囚

以明其生獲故得見贖而還帥所類反贖食欲反及甲車四

百六十乘俘二百五十人馘百人狂狡輅鄭人鄭人

入于井狂狡宋大夫輅迎也乘繩證反下同俘

百人或馘百者人衍字狡古卯反輅五嫁反倒戟而出之獲狂狡君子曰

失禮違命宜其為禽也戎昭果毅以聽之之謂禮

聽謂常存於耳著於心想聞其政令倒丁老反宜

宜其禽也毅魚既反著直畧反殺敵為果致果為毅易之戮也

為

反易

**易**

君子至戮也。正義曰軍法以殺敵為上將

元帥之命曲法以拯鄭人宜其為禽也昭明也兵戎

之事項此果毅以聽之之謂禮能殺敵人是名為果

言能果敢以除賊致此果敢乃名為毅言能疆毅以

立功易之戮也反易此道則合刑戮也昭謂明曉此

禮致謂達之於敵毅疆也能致用此意乃謂疆人言

在軍對敵必須殺也尚書成湯數桀之罪以誓眾云

爾尚輔予一人致天之罰予其大賚汝爾不從誓言

予則孥戮汝武王數紂之罪以誓眾云勗哉夫子尚

桓桓如虎如貔如熊如羆于商郊爾所不勗其于爾

躬有戮二王以至聖伐至惡尚誓眾使多殺是軍法

務在多殺殺敵乃為禮也公羊善宋襄公不鼓不成

列以為文王之戰亦不過此武王之戰既知不然文

王之戰豈當若是審如公羊之言文王將戰華元殺

未曉戰法其不能身定天下豈為此乎

羊食士其御羊斟不與及戰曰疇咎之羊子為政

疇昔猶前日也。

○食音嗣。疇，音不與音預。

○疇昔猶前日也。禮記檀弓云：孔子謂子貢曰：吾疇昔之夜，夢坐奠於兩楹之間。鄭玄云：疇昔猶前日也。是相傳為然。

今日之事，我為政，與入鄭師，故敗。君子謂羊斟非人也，以其私憾，敗國殄民。

○憾，恨也。殄，盡也。○憾本亦作感。必邁反。又如字。殄，大典反。於是刑孰大焉。詩所謂人之無良者。○詩小雅義取不良之人相怨以亡其羊斟之謂乎。殘

民以逞。○宋人以兵車百乘，文馬百駟。

○畫馬為文。○正義曰：謂文飾四百匹。○逞，敕領反。○駟，畫馬為文。○正義曰：謂文飾四百匹。○逞，敕領反。○駟，畫馬為文。

贖華元于鄭，半入。華元逃歸，立于門外，告而入。告

知

宋城門而後入，言不苟。見叔牂，曰：子之馬然也。

○叔牂言畢，遂奔魯。合猶答也。○見叔至。○正義曰：叔牂卑賤，故得先歸。華元見而安慰之曰：往

非馬也，其人也。

○叔牂言畢，遂奔魯。合猶答也。○見叔至。○正義曰：叔牂卑賤，故得先歸。華元見而安慰之曰：往

合而來奔。

○正義曰：叔牂卑賤，故得先歸。華元見而安慰之曰：往奔入鄭軍者，子之馬自然非子之罪。叔牂自知前言已顯，不敢隱諱，乃對元曰：非馬也，其人也。言是已為之。叔牂既答華元，而即來奔魯耳。服虔載三說，皆以子之馬然為叔牂之語。對曰以下為華元之辭。賈逵云：叔牂宋守門大夫。華元既見叔牂，牂謂華元曰：子見獲於鄭者，是由子之馬使然也。華元對曰：非馬自奔也。其人為之也。謂羊斟驅入鄭也。奔走也。言宋人贖我之事，既和合而我即來奔耳。鄭眾云：叔牂即羊斟也。在先得歸。華元見叔牂，牂即誣之曰：奔入鄭軍

春秋左傳

卷之三

禮記檀弓

者子之馬然也非我也華元對曰非馬也其人也言是女驅之耳叔祥既與華元合語而即來奔魯又一說叔祥宋人見宋以馬贖華元謂元以贖得歸謂元曰子之得來當以馬贖故然華元曰非馬也其人也言已不由馬贖自以人事來耳贖事既合而我即來奔杜以傳文見叔祥而即言曰則曰下皆當為華元之語不得為叔祥之辭且以華元與賤人交語而稱對曰謂歸國而來奔皆於文不順又羊斟與叔祥當是名字相配故不從三家而別為之說采鄭氏當來奔為奔魯耳合是聚合言語故云合猶答也宋城

**華元為植巡功** **植將主也** **同將子匠反** **植** **將主也** **正義曰** 同禮大司馬大役屬其植鄭司農云植謂部曲將吏故宋城華元為植巡功是植為將領主帥監作者也巡功城者謳曰睥其目瞻其腹棄甲而復 **睥** 出目 **瞻** 大腹 **棄甲** 謂亡師 **謳** 烏侯反 **睥** 戶版反 **說文字林** 云

大目也蘇林云寢視不安貌 **孟康** 云猶分然也 **瞻** 步何反 **正義** 曰說文云睥大目也目大則出見故云出目也 **瞻** 是腹之狀腹以大為異故為大腹也 **于思于思棄甲復來** **于思多鬚之貌** **于思如字又西才反多鬚來力知反又如字以協上** **義** 曰賈逵云白頭貌復扶又反韻鬚修于反字又作鬚 **義** 曰賈逵以為白頭貌成十五年華元為右師距此三十二年計未 **使其驂得頭白** 故杜以為多鬚貌亦是以意言之耳 **乘謂之曰牛則有皮犀兕尚多棄甲則那** **那** 猶何也 **犀** 兕南反 **犀** 音西 **犀** 兕尚多 **正義** 曰釋獸兕徐履反 **那** 乃多反 **犀** 似豕郭璞曰形似水牛諸頭大腹痺脚脚有三蹄黑色三角一在頂上一在額上一在鼻上鼻上者食角也小而不備好食棘亦有一角者劉歆期交州記曰犀出九德毛如豕蹄有甲頭似馬 **吳錄** 地理志云 **武陵沅南縣** 以南皆有

犀釋獸云兕似牛郭璞云一角青色重千斤說文云兕如野牛青毛其皮堅厚可制鎧交州記曰兕出九德有一角角長三尺餘形如馬鞭柄徧檢書傳犀兕二獸竝出南方非宋所有假令波及宋國必不能多言尚多者苟役人曰從其有皮丹漆若何華元曰去以答謳者耳

之夫其口衆我寡傳言華元不吝其咎寬而容衆

○漆音七吝力刃反咎其九反○秦師伐晉以報崇也伐崇在元年遂圍焦

焦晉河外邑夏晉趙盾救焦遂自陰地及諸侯之師侵鄭陰地晉河南山北自上洛以東

至陸渾渾戶昏反以報大棘之役楚鬪椒救鄭曰能欲

諸侯而惡其難乎遂次于鄭以待晉師趙盾曰彼宗

競于楚殆將斃矣競強也鬪椒若敖之族自子文

以來世為號令尹惡烏路反難乃且反斃婢世反姑益其疾乃去

之欲示弱以驕之傳言趙盾所以稱人且為四年

楚滅若敖氏張本○晉靈公不君失君道也以明

於例應稱國以弑弑申志反厚斂以雕牆雕畫也斂

力驗反雕本亦作雕牆在良反從臺上彈人而觀其辟丸也宰夫胹

熊蹯不熟殺之寘諸舂使婦人載以過朝舂以草

索為之筮屬彈徒丹反胹音而煮也蹯扶元反寘

呂宰夫胹熊蹯○正義曰字書過熟曰胹命此宰反夫胹熊蹯不至於熟以其違命故殺之

彫

其蹯

以至筮屬。正義曰：周禮挈壺氏挈畚以令軍糧，鄭眾云：縣畚于廩，假之處畚，所以盛糧之器，故以畚表廩。說文云：畚，蒲器，可以盛糧。韓詩外傳云：鮑焦挈畚采蔬，遇子貢於道，是畚可以盛糧。盛菜以草索為之，今人猶有此器，形制似筮，故為筮屬。過朝以示人，令眾懼也。趙盾士季見其手問

其故而患之，將諫。士季曰：諫而不入，則莫之繼也。會

請先不入，則子繼之。三進及濡而後視之。士季隨

會也。三進三伏，公不省而前也。公知欲諫，故佯不

視。其手一本作首。將諫至繼之。正義曰：言二濡力救反，屋雷也。人將欲相隨入諫，士季謂盾

曰：子是尊卿，今與子俱諫而不入，則莫之能繼續為諫，會是卑卿，請先往諫，不入則子繼之。三進及濡

而更進三進而及於君之屋，濡言迫於公之前。曰

吾知所過矣，將改之。稽首而對曰：人誰無過，過而能

改善莫大焉。詩曰：靡不有初，鮮克有終。詩大雅也。

○鮮，息淺反。夫如是，則能補過者鮮矣。君能有終，則

社稷之固也。豈惟羣臣賴之？又曰：衮職有闕，惟仲山

甫補之，能補過也。詩大雅也。衮，君之上服，闕，過也。

言服衮者有過，則仲山甫能補之。衮，古本反。君能補過，

衮不廢矣。常服衮也。猶不改，宣子驟諫，公患之，使

鉏麇賊之。鉏麇，晉力士。鉏，仕俱反，麇音晨。往寢

門闕矣。盛服將朝，尚早坐而假寐。不解衣冠而睡。

作

○闢婢亦反盛音成  
 本或作成睡垂偽反  
**主也賊民之主不忠棄君之命不信有一於此不如**  
**死也觸槐而死**  
 槐趙盾庭樹  
 又音回  
 ○秋九月  
**晉侯飲趙盾酒伏甲將攻之其右提彌明知之**  
 車右  
 祗上支反彌面皮反  
**趨登曰臣侍君宴過三**  
**爵非禮也遂扶以下公嗾夫獒焉明搏而殺之**  
 猛犬也  
 反云徒跌也今杜註本往往有跌者嗾素口  
 反說文云使犬也服本作嘍夫音扶獒五羔反尚書  
 傳云大犬也爾雅云狗四尺為獒說文云犬知人心  
 可使者  
 趨登至非禮也  
 正義曰此言飲趙盾酒  
 搏音博  
 是小飲酒耳非正燕禮燕禮獻酬之後方

啜也  
啜

脫履升堂行無算爵非止三爵而已其侍君小飲則  
 三爵而退玉藻云君子之飲酒也受一爵而色酒如  
 也二爵而言言斯禮已三爵而油油以退鄭玄云禮  
 飲過三爵則敬殺可以去矣是三爵禮訖自當退也  
 提彌明言此之時未必已過三爵假此辭以悟趙盾  
 耳○遂扶至獒焉○正義曰服虔本扶作跌註云趙  
 盾徒跌而下走禮脫履而升堂降階乃納履堂上無  
 履跌則是常何須云遂跌而下且遂者因上生下之  
 言提彌明言訖而遂不得為趙盾遂也杜本作扶言  
 扶趙盾下階跌服虔云嗾取也夫語辭獒犬名公乃  
 嗾夫獒使之噬盾也釋畜云狗四尺為獒是  
 大犬之名以其使之噬盾故云獒猛犬也  
**盾曰棄**  
**人用犬雖猛何為**  
 責公不養士而更以犬為已用  
**鬪且出提彌明死之初宣子田於首山舍於翳桑**  
 田獵也翳桑桑之多蔭翳者首山在河東蒲坂縣東

南音陰又於鳩反見靈輒饑問其病靈輒晉人曰

不食三日矣食之舍其半問之曰宦三年矣宦學

也食之音嗣下同舍其音捨宦學也正義曰曲禮云宦

者學仕宦學者尋經藝以此為異耳未知母之存否今近焉去家近

請以遺之使盡之而為之管食與肉管管也遺

反下註同管音管也正義曰鄭玄曲禮註

丹筭思嗣反云圓曰筭方曰筭然則俱是竹器

方圓異名耳故以筭為筭實諸橐以與之既而與為

公介靈輒為公甲士倒戟以禦

公徒而免之問何故對曰翳桑之餓人也問其名居

以禦魚呂反補

問所居不告而返不望報也遂自亡也輒亦

去乙丑趙穿攻靈公於桃園穿趙盾之從父昆弟

子乙丑九月二十七日或如字穿趙至弟子

云趙衰趙夙之弟世族譜盾是衰子穿是夙孫是穿

為盾之從父昆弟之子也世本夙為衰祖穿為夙之

曾孫世本轉寫多誤其本未必然也宣子未出山而復晉竟之山也

盾出奔聞公弑而還竟音境下文大史書曰趙盾

弑其君以視於朝宣子曰不然對曰子為正卿亡不

越竟反不討賊非子而誰宣子曰嗚呼我之懷矣自

詒伊感其我之謂矣逸詩也言人多所懷戀則自



遺憂

音大

孔子曰董狐古之良史也書法不隱

隱盾之罪趙宣子古之良大夫也為法受惡

為法受屈○為于偽惜也越竟乃免

之義絕可以不討賊○越竟至討賊○正義曰哀

不適讎國未臣而有伐之奔命焉死之可也○正義曰哀

臣所適之國則可還奔命死其難如彼傳文雖則出

奔臣義未絕此註云越竟則君臣之義絕者以仲尼

云越竟乃免出竟則免責明其義已絕也襄十三年

鄭人殺良霄傳曰不稱大夫言自外入也去國不稱

大夫是為義絕之驗且受君之命乃得為臣今君欲

殺已逃奔他國君之於臣既已絕矣臣之於君能無

絕乎董狐云子為正卿反不討賊明其威足討賊卿

位猶在故責之耳我以君寵得為國卿仗君之威故

羣下用命亦既失位出奔國人不復畏我國內自有

賊亂非我能禁之故越竟得免由義絕故也不猶

之言謂已以他故出奔非是君欲殺已閱其宗國宜

還救之昭二十一年宋公子城以晉師救宋是其事

也襄二十七年傳曰崔氏之亂申鮮虞來奔僕質於

野以喪莊公彼是公之寵臣去國而行君服豈復責

無罪而將見殺逃竄而得免死者皆令反服君乎禮

檀弓曰穆公問於子思曰為舊君反服古與子思曰

古之君子進人以禮退人以禮故有舊君反服之禮

也今之君子進人若將加諸膝退人若將隊諸淵無

為戒首不亦善乎又何反服之禮之有是言去國雖

同本情有異不宣子使趙穿逆公子黑臀于周而立

之黑臀晉文公子

二云吾聞成公之生也其母夢神規其臀以黑曰使有

也周女壬申朝于武宮

壬申十月五日既而有日而無

也

也

也

也

也

月冬又在壬申下明傳文無較例。音角。較。初驪姬之

亂。詛無畜羣公子。詛盟誓。驪力知反。初驪至

正義曰服虔云驪姬與獻公及諸大夫詛無畜羣公子欲令其二子專國杜雖不註義似不然若驪姬身為此詛姬死即應復常何得比至於今國無公族豈復文襄之霸遂踵驪姬法乎蓋為奚齊卓子以庶篡適晉國創其為亂不用復畜公子按檢傳文及國語文公之子雍在秦樂在陳黑臀在周襄公之孫談在周則是晉之公子悉皆出在他國是其因行而不改成公今始革之故傳本其初也則是國內因驪姬之亂乃設此詛非驪姬自為詛也若驪姬為詛不須言驪姬之亂以言之亂知其創驪姬也自此之後雖立公族而顯者亦少唯有悼公之弟揚于悼公之子愁二人名見於傳昭十八年鄭人救火子產辭晉公子公孫於東門以外更無其人良自是晉無公族無由逼於六卿不被任用故耳

餘

公子故廢公族之官

無公至之官。正義曰不畜羣公子故無公族是公族

之官掌教公之子弟也。下註云餘子適子之母弟亦治餘子之政子屬餘子之官則適子屬公族之官也。孔晁註國語云公族大夫掌公族及卿大夫子弟之官是卿之適子屬公族也。晉語云欒伯請公族悼公曰荀家惇惠荀會文敏厲也果敢無忌慎靖使茲四人者為之膏梁之性難正也故使惇惠者教之文敏者道之果敢者諗之慎靖者修之使茲及成公即位乃宦卿之適子而為之田以為公族。宦仕也為置田邑以為公族大夫。適本又作嫡丁歷反。又宦其

餘子亦為餘子

餘子嫡子之母弟也亦治餘子之

政。子則是嫡子之母弟也言亦為餘子則知餘子

庶

之官亦治餘子之政令主教卿大夫適妻之次子也  
下云庶子為公行掌率公之戎車則公行不教庶子  
然則卿大夫之妾子亦其庶子為公行庶子妾子  
是餘子之官教之矣

也掌率公戎行註及下同義曰下句趙盾自以

為庶為旄車之族即公行也掌率公戎車而行也

之公行知其掌率公戎車之行也

族餘子公行皆官名晉於至公行正義曰此

風有公族公路公行其公族公行既同公路似此餘

子但餘子不主路車公路非餘子也當與公行為一

以其主君路車謂之公路主車行列謂之公行其實

止是一官詩人變文以韻句耳周禮無此三官之名

夏官有諸子下大夫二人掌國子之倅事與公族同

也春官有巾車下大夫二人掌王之五路事與公行

同也無餘子同者趙盾請以括為公族括趙盾異

天子諸侯禮異耳

母弟趙姬之中子屏季也括古活反中如字曰君

姬氏之愛子也趙姬文公女成公姊也微君姬氏

則臣狄人也公許之盾狄外孫也姬氏逆之以為

適事見僖二十四年見賢冬趙盾為旄車之族

旄車公行之官盾本卿適其子當為公族辟屏季故

更掌旄車旄音毛旄車至旄車正義曰主

旄謂之旄車之族詩云子于旄又曰建旄設旄是

公車必建旄也周禮主車之官謂之中車中者衣也

主衣飾之車謂之中車此掌建旄之車謂之旄車之

族盾本卿之適子其子世承正適當為公族使辟屏

季故更為旄車之族自以身為妾子故使其子為妾

子之官知非盾身自為旄車之族而云使其子者旄

季火充

卷之二十八

車之族賤官耳。盾身既為正卿，無容退掌賤職。六年經稱晉趙盾衛孫免侵陳，仍書於經，非身退位。故知使其子耳。原同長而使趙括者，沈氏云：以其君姬氏之愛子，故使之，非正適也。使屏季以其

故族為公族大夫。盾以其故官屬與屏季使為衰

之適。衰初，盾以至於適。正義曰：族即屬也。危反。故官屬者，父時舊官屬也。將父時官

屬盡與屏季使季為衰之正適也。盾之此意欲令身死之後，使屏季承其父後為趙氏宗主，但晉人以盾

之忠更使其子朔承盾後耳。

經三年春王正月郊牛之口傷，改卜牛，牛死，乃不郊。

牛不稱牲，未卜日，猶三望。

葬匡王。無傳，四月而葬速。

楚子伐陸渾之戎。

夏楚人侵鄭。

秋赤狄侵齊。無傳。

宋師圍曹。

冬十月丙戌鄭伯蘭卒。再與文同盟。再與文同盟。正義曰：再與文同盟。正義曰：再與文同盟。

蘭以僖三十三年即位，文二年盟于垂隴，七年于扈，十四年于新城，魯鄭俱在，當言三同盟，而云再者，以

扈之盟經文不序諸侯，故不數劉炫規之非也。

葬鄭穆公。無傳。

傳三年春不郊而望，皆非禮也。言牛雖傷死，當更

改卜取其吉者郊不可廢也前年冬天王崩未葬而  
 郊者不以王事廢天事禮記曾子問天子崩未殯五  
 祀不行既殯而祭自啟至于反哭五祀之祭不行已  
 葬而祭禮記言牛至而祭正義曰按經牛死在正  
 月郊當用三月其間足得養牛牛雖一傷  
 一死當更改卜取其吉者郊天之禮不可廢也牛死  
 而遂不郊故為非禮也不郊非禮則於禮得郊禮諸  
 侯為天子斬衰天王崩未葬而得郊者不以王事廢  
 天事也引曾子問者舉輕以明重也初死以至於殯  
 啓殯以至反哭於此之間五祀之祭不行耳既殯之  
 後啓殯以前五祀之祭猶尚不廢郊天必不廢矣故  
 鄭註云郊社亦然王制云喪三年不祭唯祭天地社  
 稷為越紼而行事鄭玄云不敢以卑廢尊紼輜車索  
 禮天子殯於西序橫輜車而塗之繫紼以備火災言  
 越紼而行事是在殯得祭也按曾子問既殯而祭其

祭也尸入三飯不侑酌不酢而已矣謂尸唯三飯祝  
 不侑勸其食食罷主人酌酒酌尸尸不酢主人曾子  
 問又云已葬而祭祝畢獻而已謂尸飯而侑酌酌  
 尸尸酢主人酢訖又布祝席祝坐主人酌酒以獻祝  
 獻畢而止故鄭註云既葬彌吉畢獻祝而後止是也  
 鄭又註彼云天子七祀言五者關中言之按禮記祭  
 法云王為羣姓立七祀曰司命曰中雷曰國門曰國  
 行曰泰厲曰戶曰竈王自為立七祀諸侯為國立五  
 祀曰司命曰中雷曰國門曰國行曰公厲諸侯自為  
 立五祀大夫立三祀曰族厲曰門曰行適士立二祀  
 曰門曰行庶士庶人立一祀或立戶或立竈是其義也  
 望郊之屬也不郊亦無  
 望可也禮記已有例在僖三十一年復發傳者嫌牛死  
 與卜不從異又反復扶 ○晉侯伐鄭及邲鄭及晉平士  
 會入盟禮記鄭鄭地為夏楚侵鄭傳音延 ○楚子伐陸  
 渚禮記

渾之戎遂至於雒觀兵于周疆雒水出上雒冢領

山至河南鞏縣入河良反定王使王孫滿勞楚子

王孫滿周大夫報反楚子問鼎之大小輕重焉

示欲偪周取天下對曰在德不在鼎昔夏之方有

德也禹之世遠方圖物圖畫山川奇異

之物而獻之貢金九牧使九州之牧貢金鑄鼎象

物象所圖物著之於鼎百物而

為之備使民知神姦圖鬼神百物之形使民逆備

之故民入川澤山林不逢不若若順也螭魅罔兩

**罔** 螭山神獸形魅怪物罔兩水神螭救知反魅亡

亡丈反兩本又作蝮音同說罔義曰螭山至水神

文云罔兩山川之精物也罔義曰螭山神獸形魅

怪物先儒相傳為然魯語仲尼云木石之怪夔罔兩

水之怪龍罔象則罔兩是木石之神杜以為水神者

魯語賈逵註云罔兩罔象言有夔龍之形而無實體

然則罔兩罔象皆是虛無當總彼之意非神名也上

句言山林川澤則螭魅罔兩四神文十八年註螭魅

山林異氣所生螭魅既為山林之神則罔兩宜為川

澤之神故以莫能逢之逢遇也用能協于上下以

承天休民無災害則上下和而受天祐

休許蚪音右桀有昏德鼎遷于商載祀六百載祀皆年

載祀皆年載祀皆年正義曰釋天

雅云商曰祀唐虞曰載祀皆年正義曰釋天

載周曰年夏曰歲載祀皆年正義曰釋天

孫炎云載取物終更始祀取四時祭祀一訖年取年穀一熟是載祀皆年之別名復言之耳律歷志云商三十一王六百二十九年商紂暴虐鼎遷于周德之休明雖小重

也。不可遷。紂直九反其姦回昏亂雖大輕也。言可

移天祚明德有所底止。底致也。祥才故反底音旨成王定

鼎于郊廓。古洽反廓音辱郊廓今河南也武王遷之成王定之。郊

命未改鼎之輕重未可問也。卜世至七百。正義曰律歷志云周三十六王八百六十七年過卜數也○夏楚人侵鄭鄭即晉故也。○宋文

公即位三年殺母弟須及昭公子武氏之謀也。武

氏謀奉母弟須及昭公子以作亂事在文十八年使

戴桓之族攻武氏於司馬子伯之館盡逐武穆之族

武穆之族以曹師伐宋秋宋師圍曹報武氏之亂也

○冬鄭穆公卒初鄭文公有賤妾曰燕姑。姑南燕

姓。姑其乙反。夢天使與已蘭。蘭香草。與已蘭

○正義曰夢言天者皆非天也此既言天使與已蘭

即云余爲伯儵儵即非天也伯儵不得自稱爲天

不得變爲伯儵明是夢者恍惚之言耳成五年晉趙

嬰夢天使謂已祭余余福女上天之神聰明正直寧

當就淫亂之人降福以求食乎昭四年叔孫穆子夢

天壓已弗勝號豎牛助而勝之若是上天之神寧當

與豎牛爭力而不勝也明皆恍惚之言曰余爲伯儵

或別有邪神夢者不識而妄稱天耳

曰余爲伯儵

余而祖也

**國**

伯儵南燕祖

儵直

以是為而子

**國**

以

蘭為女子名

音汝

以蘭有國香人服媚之如是

**國**

媚

愛也欲令人愛之如蘭

媚亡冀反

既而文公見之

與之蘭而御之辭曰妾不才幸而有子將不信敢徵

蘭乎

**國**

懼將不見信故欲計所賜蘭為懷子月數公

曰諾生穆公名之曰蘭文公報鄭子之妃曰陳嬀

鄭子文公叔父子儀也漢律淫季父之妻曰報九危

反生子華子臧子臧得罪而出

**國**

出奔宋

臧作誘

子華而殺之南里

**國**

在僖十六年南里鄭地使盜殺

子臧於陳宋之間

**國**

在僖二十四年又娶于江生公

子士朝于楚楚人酖之及葉而死

**國**

葉楚地今南陽

葉縣

酖直蔭反

**國**

朝于楚正義曰諸侯大子攝

亦稱朝者以大子稱朝故傳亦通言之其實合稱聘耳

又娶于蘇生子瑕子俞

彌俞彌早卒洩駕惡瑕文公亦惡之故不立也

**國**

洩

駕鄭大夫

俞音愉惡

公逐羣公子公子蘭奔晉從

晉文公伐鄭

**國**

在僖三十年

又才用反

石癸曰吾聞

姬姑耦其子孫必蕃

**國**

姑姓宜為姬配耦

癸居揆反蕃音煩

同姑吉人也后稷之元妃也

**國**

姑姓之女為后稷妃



周是以興故曰吉人今公子蘭姑甥也天或啓之必將為君其後必蕃先納之可以亢寵

亢極也○亢苦浪

反與孔將鉏侯宣多納之盟于大宮而立之

大宮

鄭祖廟鉏仕俱反大音泰注同以與晉平穆公有疾曰蘭死吾

其死乎吾所以生也刈蘭而卒

傳言穆氏所以大

興於鄭天所啓也刈魚廢反

經四年春王正月公及齊侯平莒及邾莒人不肯公伐

莒取向

莒邾二國相怨故公與齊侯共平之向莒邑東海承縣東南有向城遠疑也○邾音談向舒亮反承韋昭之說反

音

一作丞又音拯

秦伯稻卒無傳未同盟○稻徒老反

夏六月乙酉鄭公子歸生弑其君夷傳例曰稱臣臣

之罪也子公實弑而書子家罪其權不足也

赤狄侵齊無傳

秋公如齊公至自齊無傳告于廟例在桓三年

冬楚子伐鄭

傳四年春公及齊侯平莒及邾莒人不肯公伐莒取

向非禮也平國以禮不以亂伐而不治亂也責公

春秋

卷之二十一 二十四

及古

無傳補二

按上補二字則下公至例當跳出

不先以禮治之而用伐○不治以亂平亂何治之有

無治何以行禮○楚人獻鼃於鄭靈公穆公天子

夷也○音元公子宋與子家將見○宋子公也子家歸

生○見賢子公之食指動○第二指也

大射禮云右巨指鉤弦鄭玄云右巨指右手大擘也

又曰設決朱極三鄭玄云極猶放也所以韜指利放

弦也以朱韋為之三者食指將指無名指小指短不

用然則手之五指之名曰巨指食指將指無名指小

指也定十四年傳闔閭傷將指取其履註云其足

大指見斬遂失履謂大指為將指者將者言其將領

諸指也足之用力大指為多手之取物中指最長故

足以大指為將指手以中指為將指其食指者食所

偏用服虔云俗以示子家曰他日我如此必嘗異味

及入宰夫將解鼃相視而笑公問之○問所笑

及食大夫鼃召子公而弗與也○欲使指動無效

子公怒染指於鼎嘗之而出公怒欲殺子公子公

與子家謀先○先公為難子家曰

畜老猶憚殺之○六畜而況

君乎反譖子家子家懼而從之○譖子家於公夏弒

靈公書曰鄭公子歸生弒其君夷權不足也○子家

權不足以禦亂懼譖而從弒君故書以首惡○禦魚

及古聞

一音鼃○正義曰說文云鼃大鼃也玄

蟹中要記曰千歲之鼃能與人語子家以告

音嗣○欲使指動無效

○先公為難子家曰

○六畜而況

○譖子家於公夏弒

○子家

○禦魚

○呂反

○呂反

君子曰仁而不武無能達也。初稱畜老仁也不討

子公是不武也故不能自通於仁道而陷弑君之罪

凡弑君稱君君無道也稱臣臣之罪也。稱君謂唯

書君名而稱國以弑言衆所共絕也稱臣者謂書弑

者之名以示來世終爲不義改殺稱弑辟其惡名取

有漸也書弑之義釋例論之備矣。凡弑至之罪。○

趙宣子曰大者天地其次君臣則君臣之交猶父子也君無可弑之理而云弑君稱君君無道者弑君之人固爲大罪欲見君之無道罪亦合弑所以懲創將來之君兩見其義非赦弑君之人以弑之爲無罪也釋例曰天生民而樹之君使司牧之羣物所以繫命故戴之如天親之如父母仰之如日月事之如神明

末

其或受雪霜之嚴雷電之威則奉身歸命有死無貳故傳曰君天也天可逃乎此人臣所執之常也然本無父子自然之恩未無家人習翫之愛高下之隔縣殊壅塞之否萬端是以居上者降心以察下表誠以感之然後能相親也若亢高自肆羣下絕望情義圯隔是謂路人非君臣也人心苟離則位號雖存無以自固故傳例曰凡弑君稱君君無道稱臣臣之罪稱君者唯書君名而稱國稱人以弑言衆之所共絕也稱臣者謂書弑者主名以垂來世終爲不義而不可赦也然君雖不君臣不可以不臣故宋昭之惡罪及國人晉荀林父討宋曰何故弑君猶立文公而還深見貶削懷諸賊亂以爲心者固不容於誅也若鄭之歸生齊之陳乞楚之公子比雖本無其心春秋之義亦同大罪是以君子慎所以立也諸侯不受先君之命而篡立得與諸侯會者則以成君書之齊商人蔡侯班之屬是也若未得接於諸侯則不稱爵楚公子棄疾殺公子比蔡人殺陳佗齊人殺無知衛人殺州吁公子瑕之屬是也諸侯篡立雖以會諸侯爲正此

列國之制也。至於國內，策名委質，即君臣之分已定。故殺不成君者，亦與成君同義。傳曰：會于平州，以定公位。又云：若有罪，則君列諸會矣。此以會為斷也。經書：趙盾弑君而傳云：靈公不君。又以明於例，此弑宜稱君也。弑非趙盾而經不變文者，以示良史之意。深責執政之臣，傳特見仲尼曰：越竟乃免，明盾亦應受罪也。醫不三世不服其藥，古之慎戒也。人子之孝，當盡心嘗禱而已。藥物之劑，非所習也。許止身為國嗣，國非無醫而輕果進藥，故罪同於弑。二者雖原其本心，而春秋不赦，蓋為教之遠防也。楚靈無道於民，於例當稱國以弑公子比。首兵自立，楚眾散歸，而靈王縊死，故以此為弑王也。此既得國，國人驚亂，棄疾從而扇之，比懼自殺，皆棄疾之由。故書公子棄疾殺公子比也。左氏義例止此而已。其餘小異，皆從赴也。劉賈許穎以為君惡及國，朝則稱國以弑君惡及國人，則稱人以弑。按傳：鄭靈、宋昭、經文異而例同。故重發以同之子弑其父，又嫌異於他臣，亦重明其不異。既不辭別國之與人而傳云：莒杞公多行無禮於國，夫

子僕因國人以弑之，經但稱國不稱人，知國之與人雖言別而事一也。杜言小異，從赴者宋之蒙澤、楚之乾谿，俱是國內而弑捷不書蒙澤、齊商人衛州吁，俱是公子而州吁不稱公子。諸如此類，所有不同，皆從赴也。此弑君之例，有君罪臣罪之異，而諸侯出奔皆不書逐君之人，以罪臣者以君之見弑，未必皆為無道。故立臣罪之文，以見君有無罪死者，國君而被臣逐，悉是不能固位，其罪皆在於君。故杜諸侯出奔例云：諸侯奔者，皆迫逐而苟免，非自出也。仲尼之經，更沒逐者主名，以自奔為文者，責其不能自安，自固所犯非徒所逐之臣也。蔡侯朱雖無罪，據其失位，出奔亦其咎也。是說逐君無罪臣之文意也。鄭人立子良，**國**穆公庶子，辭曰：以賢則去疾不足，**國**去疾子良名，**國**去起，呂以順則公子堅長，乃立襄公，**國**襄公堅也。**國**長丁襄公將去穆氏，**國**逐羣兄弟而舍子

春秋左傳

卷之二十七

及古閣

良以其讓已○舍音子良不可曰穆氏宜存則固願也若將亡之則亦皆亡去疾何為何為獨畱乃舍之皆為大夫○初楚司馬子良生子越椒子文曰必殺之子文子良之兄是子也熊虎之狀而豺狼之聲弗殺必滅若敖氏矣諺曰狼子野心是乃狼也其可畜乎子良不可子文以為大惑及將死聚其族曰椒也知政乃速行矣無及於難且泣曰鬼猶求食若敖氏之鬼不其餒而而語助言必餒○難乃且反餒及令尹子文卒鬬般為令尹般子文之子子

揚音班子越為司馬薦賈為工正譖子揚而殺之子越為令尹已為司馬賈為椒譖子揚而已得椒處○薦于委反賈為于偽反處昌慮反子越又惡之惡賈○惡鳥路反註同乃以若敖氏之族圍伯贏於轅陽而殺之圍囚也伯贏薦賈也轅陽楚邑音盈遂處烝野將攻王王以三王之子為質焉弗受烝野楚邑三王文成穆烝之承反質音致師于漳漳水邊○漳音章漳水出新城汴○漳音章漳水出新城汴○漳音章漳水出新城汴○漳音章漳水出新城汴

云

春秋左傳卷之二十一 襄公二十八年 漳水

言濫知濫 秋七月戊戌楚子與若敖氏戰于皐澇

是水邊也 皐澇楚地

伯棼射王汰輶及鼓跗著於丁寧

伯棼越椒也輶車輶汰過也箭過車輶上丁寧鉦

也 輶扶云反射食亦反下同汰他來反

輶音正 及鼓跗

寧 正義曰車上不得置箕箒以縣鼓故為作跗若

殷之楹鼓也言著於丁寧則丁寧是器晉語云伐備

鍾鼓聲其罪也戰以淳于丁寧微其民也是丁寧戰

之用也周禮鼓人以金錡和鼓鄭玄云錡淳于也其

形圓如確頭以金錡節鼓鄭玄云錡也形如小鍾

軍行鳴之以為鼓節是錡即淳于錡即丁寧故先儒

皆以錡為鉦之別 又射汰輶以貫笠轂

名丁寧即是鉦也 兵車無蓋

尊者則籩人執笠依轂而立以禦寒暑名曰笠轂此

言箭過車輶及王之蓋

貫古亂反笠音立轂古木反

兵車至之蓋 正義曰服虔云笠轂轂之蓋如笠所以蔽轂上以禦矢

也一曰車轂上鐵也或曰兵車旁幔輪謂之笠轂杜

以彼為不安故改之而為此說亦

是以意而言差於人情為近耳 師懼退王使巡師

曰吾先君文王克息獲三矢焉伯棼竊其二盡於是

矣鼓而進之遂滅若敖氏初若敖娶於邲

邲國名 邲音又

王使至是矣 正義曰此是疆軍人之

作鄭音云 心耳息有此矢矢當有法不得無人學

作唯三而已且射中王車由射之工不由矢善 生鬪

若其由矢王國猶有一矢何不一發以取越椒 淫於

奴謂

江夏安陸縣城東南有雲夢城

○夢音蒙又亡貢反

虎乳之邳

子田見之懼而歸夫人以告

告女私通所生如主

遂使收之楚人為乳穀謂虎於菟故命之曰鬪穀

於菟以其女妻伯比

伯比所淫者○穀如口反於音烏菟音徒妻

實為令尹子文

鬪氏始自子文為令尹其孫

箴尹克黃

箴尹官名克黃子揚之子

○箴之金反使於

齊還及宋聞亂其人曰不可以入矣箴尹曰棄君之

命獨誰受之君天也天可逃乎遂歸復命而自拘於

司敗王思子文之治楚國也曰子文無後何以勸善

使復其所改命曰生

易其名也

○使於所更反拘音俱

其名○正義曰言越椒之亂合誅絕其族今更存立故命曰生言應死而重生

○冬楚子伐

鄭鄭未服也

前年楚侵鄭不獲成故曰未服





出私娶輕而君命重故書聘不書逆自外而來則嫁女重而受聘輕故書逆不書聘內外之與文耳諸侯嫁女於大夫則使大夫為之主而書於經者行禮為尊卑不敵故使大夫為主耳其女適他族以先公遺體許人必告於廟故書之耳嫁於諸侯者皆書其歸此不書歸者差降於諸侯也非齊夫人不得言歸于齊若言歸于齊高氏則下嫁于大夫非公之敵故不得書其歸也

叔孫得臣卒

無傳不書日公不與小斂

斂力驗反

不與音預

冬齊高固及子叔姬來

叔姬寧固反馬

叔姬寧

固反馬

正義曰傳言來反馬也據高固為文耳嫌叔姬亦為反馬故辨之二者各有所為而且相隨行耳女既適人當稱夫族宋蕩伯姬是其事也叔姬已適高氏而言猶子叔姬者以其所歸於夫反馬乃成為婦今始來反馬故以父母之辭言之

楚人伐鄭

傳五年春公如齊高固使齊侯止公請叔姬焉

公強成昏

強其丈反

夏公至自齊書過也

公既見

止連昏於隣國之臣厭尊毀列累其先君而於廟行

飲至之禮故書以示過

厭於涉反

公既至示

几公行還書至者往反無咎喜之而告廟也公如齊見止求與高固為昏方始得歸當以耻而不告亦復告廟飲至故依常書之以示過釋例曰凡反行飲至必以嘉會昭告祖禰有功則舍爵策勳無勳無勞告事而已若夫執止之辱厭尊毀列所以累其先君忝其社稷故當克躬罪已不以嘉禮自終宣公如齊既已見止連昏於隣國之臣而行飲至之禮故傳曰書過也言書過者書之以示公過也

秋九

月齊高固來逆女自為也故書曰逆叔姬卿自逆也

**國**適諸侯稱女適大夫稱字所以別尊卑也此春秋

新例故稱書曰而不言凡也不於莊二十七年發例

者嫌見逼而成昏因明之○自為于偽**國**明之○正

義曰俱是外來逆女適諸侯諸侯遣臣來逆則稱逆

女紀裂繻來逆女是也適大夫大夫自來逆則稱所

逆之字此高固來逆叔姬是也二文不同所以別尊

卑也傳言卿自逆者別其與君逆也莊二十七年莒

慶來逆叔姬文與此同不於彼發例者嫌此高固

見迫而成昏與常例或異故因此以明其不異也

**冬來反馬也****國**禮送女留其送馬謙不敢自安三月

廟見遣使反馬高固遂與叔姬俱寧故經傳具見

示譏○廟見賢遍反**國**禮送至示譏○正義曰

馬謙不敢自安於夫若被出棄則將乘之以歸故留

之也至三月廟見夫婦之情既固則夫家遣使反其

所留之馬以示與之偕老不復歸也法當遣使不合

親行高固因叔姬歸寧遂親自反馬與之俱來故經

傳具見其事以示譏也儀禮昏禮者士之禮也其經

無反馬故何休據之作膏肓以難左氏言禮無反馬

之法鄭玄答之曰冠義云無大夫冠禮而有其昏禮

則昏禮者天子諸侯大夫皆異也士昏禮云主人爵

弁纁裳緇衣乘墨車從車二乘婦車亦如之此婦車

出於夫家則士妻始嫁乘夫家之車也詩鵲巢云之

子于歸百兩御之又曰之子于歸百兩將之將送也

國君之禮夫人始嫁自乘其家之車也則天子諸侯

嫁女留其乘車可知也高固大夫也來反馬則大夫

亦留其車也禮雖散亡以詩之義論之大夫以上其

嫁皆有留車反馬之禮留車妻之道也反馬壻之義

禮

乃奠菜鄭

祭行乃反馬禮也是說禮有反馬之法唯高固不宜親行耳杜言三月廟見謂無舅姑者士昏禮婦至其夕成昏質明贊見婦於舅姑若舅姑既沒則婦入三月然後祭行玄云奠菜者祭菜也又記曰婦入三月然後祭行鄭玄云謂助祭也曾子問篇端稱孔子曰三月而廟見稱來婦也擇日而祭于禰成婦之義也鄭玄云謂舅姑沒者是舅姑沒者以三月而祭因以三月為反馬之節舅姑存者亦當以三月反馬也士昏禮又稱若不親迎則婦入三月然後婿見于妻之父母此高固親迎則不須更見故譏其親反馬也按杜註經云叔姬寧固反馬傳唯舉反馬不言寧者以寧是常事唯反馬非禮故傳舉其非禮者○  
楚子伐鄭陳及楚平晉荀林父救鄭伐陳為明年  
晉衛侵陳傳  
經六年春晉趙盾衛孫免侵陳

夏四月

秋八月螽無傳

冬十月

傳六年春晉衛侵陳陳即楚故也○夏定王使子服

求后于齊子服周大夫○秋赤狄伐晉圍懷及邢

丘邢丘今河內平臯縣晉侯欲伐之中行桓子曰

使疾其民驕則數戰為民所疾○數所以盈其貫

將可殪也殪盡也貫猶習也○貫古患反註

盡至習也○正義曰釋詁云貫習也殪死也言其死盡故以殪為盡盈其貫者杜以為盈滿其心使貫習

春秋流

卷之三十四

及古周

來伐劉炫云按尚書泰誓武王數紂之惡云商罪貫盈言紂之為惡如物在繩索之貫不得為習也今知不然者以詩稱射則貫兮先儒亦以為習故杜用焉義得兩通劉直以尚書之文而規杜過恐非也

**書曰殪戎殷**周書康誥也義取周武王以兵伐殷

**盡滅之**周書曰殪戎殷正義曰如杜所註戎訓為兵謂以兵伐殷而殪盡也殪字宜在下

以周書本文此類之謂也為十五年晉滅狄傳為故其字在上

于偽反○冬召桓公逆王后于齊召桓公王卿士下註同

事不關魯故不書為成二年王甥舅張本○召上○照反

**楚人伐鄭取成而還**九年十一年傳所稱屬之役

蓋在此○鄭公子曼滿與王子伯廖語欲為卿

厲

註王一作二

苦

子鄭大夫○曼音萬廖力彫反伯廖告人曰無德而貪其在周

**易豐**離下震上豐之離豐上六變而為純

離也周易論變故雖不筮必以變言其義豐上六曰

豐其屋蔀其家闕其戶闐其無人三歲不覲凶義取

無德而大其屋不過三歲必滅亡○蔀步口反又普

舌賜反覲豐上至滅亡○正義曰豐卦震上離

徒歷反下震為動離為明動而益明豐大之義

豐卦上六變而為純離之卦故為豐之離也杜以筮

得此卦爻變而為彼卦可言遇觀之否遇坤之比耳

此直口語不是揲著而亦言豐之離者周易論變為

義故雖不筮論易者必以變言其義故言豐之離也

杜又引豐上六至不覲凶皆周易之文也王弼以為

上六以陰處極而最在外不履於位深自幽隱絕跡

春秋左傳

卷之三十三

及古閣

深藏者也。蔀者覆鄣之物也。豐大其屋，又鄣蔽其家，闇之甚也。以甚闇而處大屋，不能久享其利。其屋雖大，其室將空，故闚其戶而闐然無人也。經三歲而不過，能顯見則凶。伯廖引此者，義取無德而居，乃屋不過三歲必滅。云弗過之矣。不過三年間一歲，鄭人殺之。間廁之間。

經七年春，衛侯使孫良夫來盟。

夏公會齊侯、伐萊。

傳例曰：不與謀也。萊國今東萊黃

縣。○萊音來。衛侯至來盟。○正義曰：文二年晉人，不與音預。以公不朝，使陽處父盟，公以耻之。書曰：及晉處父盟，去其族以厭恥也。然則公與大夫對盟，則為恥辱。此良夫來盟，無貶責者。彼公親朝晉，晉侯不與公盟，故遣大夫敵公，是為恥辱。此不貶責者，其君不得親來，遣臣來與公盟，不對彼君，非為恥也。

秋公至自伐萊。無傳。

大旱。無傳。書旱而不書雩，雩無功或不雩。

冬公會晉侯、宋公、衛侯、鄭伯、曹伯于黑壤。○壤如丈反。

傳七年春，衛宋桓子來盟，始通。且謀會晉也。公即

位，衛始修好。○好呼報反。○夏公會齊侯、伐萊，不與謀也。

凡師出與謀，日及不與謀，日會。與謀者，謂同志之

國相與講議利害，計成而行之，故以相連及為文。若不獲已，應命而出，則以外合為文。皆據魯而言。師者國之大事，存亡之所由，故詳其舉動，以例別之。○不與音

故諱下疑脫從字

春秋疏 卷之三十一  
預下及註與謀同年未不與放此  
應應對之應別彼列反下註同  
與謀者同志之國彼我之計未定相與共謀講議利  
害計成而後行之故以相連及為文不與謀而出師  
者謂不得已而應命故以外合為文皆據魯而言之  
也公親會齊侯伐萊而傳以師出示例所以通卿大  
夫帥師者也魯既春會于曹以謀伐鄭夏遂起師而  
更從不與謀之文者厲公篡天子忽之位謀而納之  
非正故諱不與謀之例若夫盟主之令則上行乎下  
非匹敵和成之類故雖或先謀皆從不與謀之例成  
八年晉士燮來聘且言將伐鄭下云會伐鄭是也凡  
乞師者深求過禮之辭執謙以偏成其計故雖小國  
乞之於大國大國乞之於小國亦皆從不與謀之例  
臧宣叔卻錡是也傳以師出為例是唯繫於戰伐而  
劉賈許穎濫以經諸及字為義本不在例今欲強合  
之所以多相錯亂也杜言小乞大大乞小者僖二十  
六年公子遂如楚乞師成二年臧宣叔如晉乞師是  
小國乞於大國也成十三年卻錡來乞師十六年欒

騫來乞師十七年荀瑩來乞師十八年士魴來乞師  
是大國乞於小國也與謀者心俱欲伐彼此同謀乞  
師者非彼所欲乞來為已也我乞彼者彼不與我謀  
彼乞我者我不與彼謀是故凡言乞者皆從不與謀  
之例宣叔是乞小乞大卻錡是大乞小除晉乞魯以外  
更無大乞小者故舉卻錡以辨乞小之事耳晉是盟  
主自是上行乎下例無與謀之文  
○赤狄侵晉取向  
不由卻錡乞師乃從不與謀之例  
陰之禾  
此無秋字蓋闕文晉用桓子謀故縱狄向  
舒亮  
此無秋字蓋闕文○正義曰苗秀乃名為  
反禾夏則無禾可取知此取必在秋此無秋字  
蓋闕  
○鄭及晉平公子宋之謀也故相鄭伯以會冬  
盟于黑壤左叔桓公臨之以謀不睦  
王叔桓公周  
卿士銜天子之命以監臨諸侯不同軟者尊卑之別

云

也。○相息亮反。軟所洽反。○晉侯之立也。在二年。

公不朝焉。又不使大夫聘。晉人止公于會。盟于黃父。

公不與盟。以賂免。黃父即黑壤。故黑壤之盟不書。

諱之也。慢盟主以取執止之辱。故諱之。

○正義曰：昭十三年公會劉子晉侯云：于平丘八月。

甲戌同盟于平丘。公不與盟。於時晉以讒慝弘多不

與。公盟公不得與。非國之耻。故書其同盟而顯言不

與。此時公實有罪為晉所執。不得與盟。是公之耻。故

諱而不書其盟。若言諸侯實不盟。公無所可與。然

經八年春公至自會。無傳。義與五年書過同。

年書過同。○正義曰：被執不以為恥。而亦告廟。飲

賓

夏六月公子遂如齊。至黃乃復。無傳。蓋有疾而還。大

夫受命而出。雖死以尸將事。遂以疾還。非禮也。

有至禮也。○正義曰：下言其卒。故疑有疾而還也。聘

禮曰：賓入竟而死。遂也。若實死。未將命。則既斂于棺

造于朝。介將命。哀十五年傳曰：有朝聘而終以尸將

事之禮。是入所聘之竟。則當遂行。黃是齊竟。遂以疾

還。非禮也。

辛巳有事于大廟。仲遂卒于垂。有事祭也。仲遂卒與

祭同日。略書有事為釋。張本不言公子。因上行還間

無異事。省文從可知也。稱字時君所嘉。無義例也。垂

齊地。非魯竟。故書地。○大音泰。傳同為于僞。事至

書地○正義曰有事祭也者謂禘祭也釋例以昭十五年有事于武宮傳稱禘于武公則知此言有事亦得常不主書禘為下釋祭張本耳上言公子遂如齊此言仲遂卒不言公子者此書有事為仲遂卒而書之與上相連猶是一事因上行還間無異事省公子廟何得為間無異事秦氏釋云其間有辛巳有事于大廟是為仲遂卒起文只是一事故云間無異事也既不稱公子而稱仲遂者時君所嘉寵故稱其字非義例也定五年傳季平子行東野卒于房房是魯地卒于竟內故不書其地垂是齊地非魯竟故書地也

壬午猶釋萬入去籥

釋又祭陳昨日之禮所以賓尸

萬舞名籥管也猶者可止之辭魯人知卿佐之喪不宜作樂而不知廢釋故內舞去籥惡其聲聞○去起呂反註

天

及傳同籥羊略反管音館惡鳥路反聲聞音問又如字

孫炎云祭之明日尋釋復祭也公羊傳曰釋者何祭之明日也穀梁傳云釋者祭之日日之享賓也天子諸侯謂之為釋少牢饋食大夫之禮也謂之賓尸釋詁云釋陳也是陳昨日之禮以賓敬此尸也公羊傳曰萬者何于舞也籥者何籥舞也其言萬入去籥何去其有聲者廢其無聲者知其不可而為之也猶者何通可以已也是萬為舞名禮明堂位曰朱于玉戚冕而舞大武于楯也戚斧也此舞者左手執楯右手執斧故謂之武舞言王者以萬人服天下故以萬為名詩言碩人之舞云左手執籥右手秉翟鄭玄云籥如管六孔何休云吹之以節舞也故吹籥而舞謂之文舞魯人知卿佐之喪不宜作樂故去其有聲而不名詩言碩人之舞云籥言王以萬人服天下故以萬為名以註隱五年亦直云萬舞也下問羽數則萬是舞之大名不取公羊萬是于舞之義則執羽吹籥是為萬舞故杜云納舞去籥惡其聲聞是無于舞籥舞之



春秋疏 卷之三十一  
別名也。沈氏云：案曾子問：嘗禘郊社，簠簋既陳，天子崩后之喪，廢則卿喪不廢，正祭，繹是又祭為輕，故當之廢。

戊子，夫人嬴氏薨。無傳，宣公母也。

晉師白狄伐秦。

楚人滅舒蓼。

秋七月甲子，日有食之。既。無傳，月三十日食。

冬十月己丑，葬我小君敬嬴。敬，諡嬴姓也。反哭成喪。

故稱葬小君。敬諡。正義曰：諡法風夜敬事曰敬。

雨不克葬。庚寅日中而克葬。克成也。雨不至克葬。正義曰：定。

十五年九月丁巳，葬我君定公。雨不克葬。戊午日下，曷乃克葬。彼云：乃此云而者，公羊傳曰：而者何？難也。乃者何？難也。曷為或言而或言乃？乃難乎而也。何休云：難者，臣子重難，不得以正日葬。其君言乃者，內而深言而者，外而淺下。曷日，眈久故言乃。左氏無傳。杜又不說。或如公羊之言，或是史家異辭。

城平陽。今泰山有平陽縣。

楚師伐陳。

傳八年春，白狄及晉平夏會。晉伐秦。經在仲遂卒。

下從赴。晉人獲秦謀，殺諸絳市。六日而蘇。蓋記異也。謙徒協反。問也。今謂之細作絳古巷反。

○有事于太廟，襄仲卒而繹。

非禮也。○楚為衆舒叛，故伐舒蓼滅之。舒蓼二國。

名○為于**舒蓼**二國名○正義曰舒蓼二國名

為反**舒蓼**舒蓼舒庸舒鳩以為五名則與文五年滅蓼同蓋蓼滅後更復故楚今更滅之劉炫以杜

規之非也**楚子疆之**正其界也**及滑汭**

滑水名**盟吳越而還**吳國今吳

郡越國今會稽山陰縣也傳言楚疆吳越服從

反稽古今反**盟吳越而還**正義曰譜云吳姬姓

疆其良反**周大王之子大伯仲雍之後**大伯仲

雍讓其弟季歷而去之荆蠻自號句吳句或為工夷

言發聲也**大伯無子而卒仲雍嗣之**當武王克殷而

因封其曾孫周章於吳為吳子又別封章弟虞仲於

虞曰大伯五世而得封十二世而晉滅虞虞滅而吳

如大至壽夢而稱王壽夢以上世數可知而不紀其

年壽夢元年魯成公之六年也夫差十五年獲麟之

歲也二十三年魯哀公之二十二年而越滅吳越姒

姓其先夏后少康之庶子也封於會稽自號於越於

者夷言發聲也濱在南海不與中國通後二十餘世

至于允常魯定公五年始伐吳允常卒子句踐立是

為越王越王元年魯定公之十四年也魯哀公二十

二年句踐滅吳霸中國卒春秋後七世大為楚所破

遂微弱矣外傳曰芊姓歸越是越

本楚之別封也或非夏后之後也**晉胥克有蠱疾**

**感以喪志**喪息浪反**卻缺為政**代趙盾**秋廢胥**

**克使趙朔佐下軍**朔盾之子代胥克為成十七年

胥童怨卻氏張本**冬葬敬嬴早無麻始用葛菲**

記禮變之所由**弗所以引柩**殯則有之以備火葬則

以下柩**索也**柩其又反**記禮至下柩**正義

皆與後人為始此云始用葛弗則自此以後常用葛故云記禮變之所由弗字禮或作紼或作縶繩之別名也周禮遂人喪屬六紼天子用六也喪大記君葬用四紼大夫士葬用二紼是紼者所以引柩也於殯則已有之繫於輜車以備火災有災則引柩以辟火及葬則用之以下柩也

**也禮卜葬先遠日辟不懷也**  
也○正義  
曰曲禮云凡卜筮日旬之外曰遠某日旬之內曰近某日喪事先遠日吉事先近日鄭玄云喪事葬與練祥也吉事祭祀冠取之屬也然則先近日先卜上旬不吉卜次旬又不吉卜下旬喪事則先卜下旬卜葬先卜遠日辟不思念其親似欲汲汲而早葬之也今若冒雨而葬亦是不思其親欲得早葬故舉卜葬先遠日以證為雨而止禮也王制云庶人葬不為雨止者鄭玄云雖雨猶葬禮儀少也

**○城平陽書時也**  
**○陳及晉平楚師伐陳取成而還**  
言晉楚

爭強

經九年春王正月公如齊無傳公至自齊無傳

夏仲孫蔑如京師

齊侯伐萊無傳

秋取根牟根牟東夷國也今琅邪陽都縣東有牟鄉

八月滕子卒未同盟

九月晉侯宋公衛侯鄭伯曹伯會于扈

晉荀林父帥師伐陳

辛酉晉侯黑臀卒于扈卒於竟外故書地四與文同

春秋疏 卷之二十二 昭公十二年 昭公十二年

盟九月無辛酉日誤

音竟○竟釋例於至日誤○正義

卒於竟外黑臀以二千始立而云四與文同盟者杜註春秋又為釋例前後經傳勘當備盡豈晉侯二年始立不于文公之世而云四與文同盟必是後寫之誤蘇氏亦以為然劉炫以此規杜非也其君卒或書地或不書地皆從赴今云卒於竟外故書地者晉侯實在意外卒非以為例也劉炫云襄七年鄭伯死頑卒於鄆昭二十五年宋公佐卒於曲棘竟內亦書地非竟外九月無辛酉者下有十月癸酉杜以長歷推之癸酉是十月十六日辛酉在前十二日耳或云九月無辛酉上有八月下有十月非月誤也

冬十月癸酉衛侯鄭卒

無傳三與文同盟

正義曰鄭父燮以僖二十五年卒鄭代立其年盟于洮二十六年于向二十八年于踐土文七年于扈十四年于新城唯二與文同盟云三者以二三字體相近轉寫之誤耳若其不然杜無容不委劉炫以此

規杜非也

宋人圍滕

楚子伐鄭

晉卻缺帥師救鄭

陳殺其大夫洩冶

洩冶直諫於淫亂之朝以取死故

不為春秋所貴而書名○洩息列洩治至書名反治音也○正義曰文八

年宋人殺其大夫司馬貴之而不名此書洩治之名是不為春秋所貴故書名傳稱臣者所以治煩去惑是以伏死而爭則直諫者臣之盡忠之爭洩治忠諫而死不為春秋所貴者釋例曰魯哀之可諫者甚衆未聞仲尼之苦言至于陳恒弑其君孔子沐浴而朝告於哀公求討不義顯事施舍足以致益者固人臣

周徵別本作周微

春和政 卷之三十三 沈古  
之所當造滕也。若乃情色之感，君不能得之於臣，父不能得之於子，臣子而欲顯直於其君，父適所以益謗而致罪也。陳靈公宣淫悖德，亂倫志同禽獸，非盡言所救。洩治進無匡濟遠策，退不危行言孫，安昏亂之朝。慕匹夫之直，忘遠氏可卷之德，死而無益，故經同罪賤之。文傳特稱仲尼以明之，忠為令德，非其人猶不可。況不令乎？此其義也。是說不貴洩治之意也。然則比干諫紂而死，孔子稱殷有三仁焉，善比干者家語云：子貢曰：陳靈公君臣宣淫於朝，洩治諫而殺之，是與比干諫死同。可謂仁乎？孔子曰：比干於紂，親則諸父，官則少師，忠欵之心在於存宗廟而已。固當以必死爭之。冀身死之後，紂當悔悟，本志存於仁者也。洩治之於靈公，位在大夫，無骨肉之親，懷寵不去，仕於亂朝，以區區之身欲止一國之淫昏，死而無益，可謂狷矣。詩云：民之多辟，無自立辟。其洩治之謂乎？是言洩治之行不得同於比干之意也。

傳九年春王使來徵聘

徵召也。言周徵也。徵聘不

書微加諷諭不指斥○諷芳 風反夏孟獻子聘於周王以

為有禮厚賄之○賄呼罪反 字林音悔秋取根牟言易也○易

以鼓反○滕昭公卒○為宋圍滕傳○會于扈討不睦

也○謀齊也陳侯不會○前年與楚成故晉荀林父

以諸侯之師伐陳○不書諸侯師林父帥之無將帥

○將子匠反○年晉侯齊師宋師秦師及楚人戰于

帥所類反○城濮彼註云宋公齊國歸父秦小子憇既次城濮以

師屬晉不與戰也彼以師屬晉而經書其師此全不

書者彼雖公卿不行仍存大夫帥之將卑師眾故稱

師耳此則全無將帥以兵付晉并入晉軍林父獨自

帥之故唯書晉侯卒于扈乃還○冬宋人圍滕因其

林父伐陳也

別本齊下有陳字

春秋卷三十四 及古

喪也。○陳靈公與孔寧儀行父通於夏姬，皆衷其相

服以戲於朝。**傳**：二子，陳卿夏姬、鄭穆公女，陳大夫御

叔妻，衷，懷也。相服，近身衣。仲反。和女乙反。一音汝栗。

反。說文云：日，所衣裳也。字林同。又云：婦人近身衣，內衣也。仁一反。御如字。一音魚。呂反。近，附近之近。

冶諫曰：公卿宣淫，民無効焉。**傳**：宣示也。○効，戶教反。且聞

不令，君其納之。**傳**：納，藏相服也。○聞如字。一音問。公曰：吾能改

矣。公告二子，二子請殺之。公弗禁，遂殺洩冶。孔子曰：

詩云：民之多辟，無自立辟。其洩冶之謂乎。**傳**：辟，邪也。

辟法也。詩大雅言邪辟之世不可立法。國無道，危行

言孫。○禁，居鳩反。又音金。多辟，本又作僻。匹亦反。註同。立辟，媼亦反。註同。邪，似嗟反。下同。行下孟反。

孫音遜。○楚子為厲之役，故伐鄭。**傳**：六年伐楚，鄭取成

於厲，既成，鄭伯逃歸。事見十五年。○為于偽反。見賢遍反。○晉

卻缺救鄭，鄭伯敗楚師于柳。禁。**傳**：柳，禁鄭地。○柳力手反。禁

扶云反。國人皆喜。唯子良憂，曰：是國之災也。吾死無日

矣。**傳**：自是晉楚交兵伐鄭。十二年卒，有楚子入鄭之

禍。

經十年春，公如齊。公至自齊。**傳**：無傳。

齊人歸我濟西田。**傳**：元年以賂齊也。不言來，公如齊，因

受之。○濟子禮反。

夏四月丙辰日有食之。無傳不書朔官失之。

巳巳齊侯元卒。未同盟而赴以名。

齊崔氏出奔衛。齊略見舉族出因其告辭以見無罪。

○見賢通。齊略至無罪。正義曰崔杼有寵於反下同。惠公既薨高國二家恐其藉前世之寵又有寵於新君故畏其偏已因君薨而逐之崔杼未有罪也齊人疑其事故不言其名略言崔氏見其舉族出奔耳及仲尼修之大夫出奔無罪不名不名即是無罪故因告稱氏而書氏以見無罪若貴之或稱官或稱字如司城子哀之類是也。

公如齊五月公至自齊。無傳。

癸巳陳夏徵舒弑其君平國。徵舒陳大夫也靈公惡不加民故稱臣以弑。○夏戶雅反。

六月宋師伐滕。

公孫歸父如齊。

葬齊惠公。無傳歸父襄仲之子。

晉人宋人衛人曹人伐鄭。鄭及楚平故。

秋天王使王季子來聘。王季子者公羊以為天王之母弟然則字季子天子大夫稱字。○正義曰公羊

傳曰王季子者何天子之大夫也其稱王季子何貴也其貴奈何母弟也是公羊以為天王之母弟也母

春秋左傳卷之三十六

弟而稱季子然則字季子也天子大夫例稱字襄三  
十年天王殺其弟佖夫母弟稱弟此不言王弟者釋  
例云朝聘盟會嘉好之事此兄弟之篤睦非義例之  
所與故仍舊史之策或稱弟或稱公子是由義無所  
見故因其舊文其相殺  
害乃稱弟以示義耳

公孫歸父帥師伐邾取繹繹邾邑魯國鄒縣北有繹

山○繹邾至繹山○正義曰文十三年傳稱音亦邾遷于繹則繹為邾之都矣更別有繹邑

今魯仍取之非取邾之都也亦因繹山為名蓋近在邾都之旁耳

大水無傳

季孫行父如齊

冬公孫歸父如齊齊侯使國佐來聘既葬成君故稱

君命使也

饑無傳有水災嘉穀不成

楚子伐鄭

傳十年春公如齊齊侯以我服故歸濟西之田公

比年朝齊故○夏齊惠公卒崔杼有寵於惠公高國

畏其偏也高國二家齊正卿○杼直呂反偏彼力反公卒而

逐之奔衛書曰崔氏非其罪也且告以族不以名而

典策之法告者皆當書以名今齊特以族告夫子因

而存之以示無罪又言且告以族不以名者明春秋



有因而用之不皆改舊史

**傳**曰傳言且告以族不以名知法當以名告而齊人誤以族告也釋例云若乃

稱司城以貴效節於府人書歸父之還以善復命於

介因齊人告辭以著其無罪蓋隨事以示褒貶也傳

既云書曰崔氏以明非罪復云且告以族不以名知

典策之書舊當以名通也齊國雖繆以族告適合仲

尼新衰之實因而不革以示無罪且明春秋之作或

因仍舊史成文不必皆有改也何休膏育以為公羊

譏世卿而難左氏蘇氏釋云崔杼祖父名不見經則

知非世卿且春秋之時諸侯擅相征伐猶尚不譏世

卿雖曰非禮夫子何由獨責又鄭駁異義引尚書世

選爾勞又引詩刺幽王絕功臣之世然則與**凡諸侯**

減繼絕王者之常譏世卿之文其義何在

**大夫違** **違** **奔** **放** **也** **例**曰違奔放也○正義曰釋

放俱去其國故傳通以違 **告於諸侯曰某氏之守臣**

為文是言違兼奔放也

則 氏

**某** **上某氏者姓下某名**

○守手 **上某至某名**

崔氏之守臣杼也大夫受氏當世守宗廟故謂之守

臣言守宗廟之臣也僖十二年管仲云天子之二守

高國在彼謂天子命之為守國之臣與此異也知此

異於彼者蓋天子命者出奔乃得告於諸侯餘臣出

奔不得告也且下句云失守宗廟如守臣謂守宗廟

之臣非守國也天子賜姓諸侯賜族對文則姓與族

別散文則可以通禮謂族人為庶姓 **失守宗廟敢告**

故云上某出者姓其實正是族也

**所有玉帛之使者則告**

**玉帛之使謂聘** **所** **之使**

玉帛之使謂聘○正義曰聘禮執玉致命執帛致

享故云玉帛之使謂聘也下註云恩好不接故亦不

告又昭二十年曹公孫會自鄆出奔宋註云嘗有玉

帛之使來告故書則杜意以為奔者之身嘗有玉帛

之使於彼國已經相接則告之若奔者未嘗往聘恩

以為玉帛之使謂國家有交好不然則否恩好不

之國皆告非指奔者之一身接故亦不告好呼○公如齊奔喪公親奔喪非

禮也公出朝會奔喪會葬皆書如不言其事史之常

也○陳靈公與孔寧儀行父飲酒於夏氏公謂行父

曰徵舒似女對曰亦似君徵舒病之靈公即位於

今十五年徵舒已為卿年大無嫌是公子蓋以夏姬

淫放故謂其子多似以為戲○夏戶雅反女音汝公出自其廐

射而殺之二子奔楚廐居又反○滕人恃晉而不

事宋六月宋師伐滕○鄭及楚平前年敗楚師恐

楚深怨故與之平諸侯之師伐鄭取成而還○秋劉

康公來報聘報孟獻子之聘即王季子也其後食

采於劉○師伐邾取繹為子家如齊傳○季文子

初聘于齊齊侯初即位○冬子家如齊伐邾故也

魯侵小恐為齊所討故往謝國武子來報聘報

文子也○楚子伐鄭晉士會救鄭逐楚師于潁北報

潁水出河南陽城至下蔡入淮正義曰釋例曰潁

水出河南陽城縣陽乾山東南經諸侯之師戍鄭鄭

潁川汝陰至淮南下蔡縣入淮也子家卒鄭人討幽公之亂斷子家之棺而逐其族鄭

以四年弑君故也。斲薄其棺，不使從卿禮。

○斲竹角反

**四**以四至卿禮。正義曰：喪大記云：君大棺八寸，屬六寸，禭四寸，士棺六寸，然則子家上大夫棺當八寸。

今斲薄其棺，不使從卿禮耳。不知斲薄之使從何禮也。

**改葬幽公諡之曰靈**

幽公○正義曰：諡法動靜亂常曰幽。

經十有一年春王正月

夏楚子陳侯鄭伯盟于辰陵

楚復伐鄭，故受盟也。辰陵，陳地，潁川長平縣東南有辰亭。

○復扶又反，下復封陳同。

公孫歸父會齊人伐莒

無傳。○正義曰：凡諸國

秋晉侯會狄于欒函

晉侯往會之，故以狄為會主。欒

列曆

函狄地

○欒才端反，函音咸。晉侯至狄地，正義曰：凡諸

云會于某地上，盟于辰陵，即其事也。狄從諸夏序例，亦然。僖二十年齊人狄人盟于邢，是也。此異於彼，而云晉侯會狄，是狄在彼地，晉往會之，故傳說晉大夫欲召狄，卻成子勸其勤，是晉侯自往，故以狄為會主。成十五年會吳于鍾離，襄十年會吳于相，其意與此同。

冬十月楚人殺陳夏徵舒

不言楚子而稱人，討賊辭也。

○正義曰：討賊辭者，言弑君之也。賊人人皆欲殺之，作舉國共殺之文，故不言楚

子也。襄二十七年衛殺其大夫甯喜，亦是討賊，但衛人自殺其臣，故稱大夫徵舒非楚之臣，不得言殺其大夫。諸放殺及執他國之臣，皆不言某國大夫者，以人臣卑賤，故沒其爵號，而空書名氏。

丁亥楚子入陳

楚子先殺徵舒，而欲縣陳，後得申叔

時諫乃復封陳不有其地故書入在殺徵舒之後

**圖**楚子至之後○正義曰按傳楚子為陳討夏氏亂

遂入陳殺夏徵舒轅諸栗門此經先書殺夏徵舒後

書入陳者據先後事實為文故杜註云楚子先殺徵

舒而欲縣陳後得申叔時諫乃復封陳不有其地故

書入陳殺徵舒之後是其事也劉炫云楚子入陳乃

殺徵舒經先書殺徵舒後言入陳者以楚子本意止

欲討賊無心滅陳及殺徵舒滅陳為縣後得申叔時

諫乃復封陳於例不有其地故云入陳言楚人既殺

徵舒楚子乃復入陳納二子於陳入陳之文為下納

張本傳言書曰入陳納公孫寧儀行父子陳書有禮

也入納連文是入為納也昭八年楚師滅陳執公子

招放于越殺陳孔與彼心欲滅陳此則主為討賊無

心滅陳而復封之君子善其自悔故退入陳於下隱

其縣陳之過若其不然當云楚子入陳殺夏徵舒如

此則楚子本為入陳因入方討陳賊

則是惡楚子故書入在殺徵舒之後

乃

在

納公孫寧儀行父子陳

**圖**二子淫昏亂人也君弑之後

能外託楚以求報君之讐內結強援於國故楚莊得

平步而討陳除弑君之賊於時陳成公播蕩於晉定

亡君之嗣靈公成喪賊討國復功足以補過故君子

善楚復之○播補賀**圖**二子至復之○正義曰二

實罪人也今楚子入陳而納之乃是納罪人也例應

罪楚子而傳言書曰入陳納公孫寧儀行父子陳書

有禮也既善楚子有禮則是恕彼之過故杜迹其合

恕之由言賊討國復是二子之力其功足以補過故

君子善楚復之賈逵云二子不繫之陳絕於陳也惡

其與君淫故絕之善楚有禮也案子糾捷菑皆不繫

國自是例之常賈說非也釋例云賈氏依放穀梁云

稱納者內難之辭納公孫寧儀行父子陳言書有禮

不可言內難也。陳縣而見復上下交驩。二人雖有淫縱之闕。今道楚匡陳。賊討君葬。威權方盛。傳稱其禮。理無所難。此先儒說之不安也。杜言於時陳成公播蕩于晉者。此傳云陳侯在晉。襄二十五年。傳云夏氏之亂。成公播蕩是也。

傳十一年春。楚子伐鄭及櫟。子良曰。晉楚不務德而兵爭。與其來者可也。晉楚無信。我焉得有信。乃從楚。

夏楚盟于辰陵。陳鄭服也。傳言楚與晉狎主盟。櫟。力狄反。爭鬪之爭焉。於皮反。夏楚盟本或作楚子。○楚左尹子重侵宋。子重公子嬰齊。莊王弟王待諸郟。郟楚地。音延。○令尹蔣艾獵城沂。艾獵。孫叔敖也。沂。楚邑。反。獵。力涉。

反沂魚。艾獵。孫叔敖。○正義曰。服虔亦云。艾獵依反。蔣。賈之子孫叔敖也。此年云令尹蔣艾獵。明年云令尹孫叔敖。明一人也。世本文。獵為叔敖之兄。世本多誤。本必不然。使封人慮事。封人。其時主築城者。慮事。謀慮計功。○慮如字。一雅云。無慮。封人。至計功。○正義曰。周禮。封人。凡都邑也。封國。封其四疆。造都邑之封域者。亦如之。大司馬。大役與慮事。受其要。以待考。而賞誅。鄭云。云慮事者。封人也。於有役。司馬與之屬。賦丈尺。與其用人數也。是封人主造城邑。計度人數。此云使封人。故云其時主築城者。慮事者。謀慮城築之事。無則慮之。訖則計功也。史書多有無慮之語。皆謂揆度前事也。以授司徒。司徒掌役量功命日。命作日數。分財用。財用。築作具。平板。幹。幹。榱也。○幹。古旦反。亦作幹。榱音貞。釋詁云。榱。幹榱也。舍。

謀一作無

凡

反沂魚。艾獵。孫叔敖。○正義曰。服虔亦云。艾獵依反。蔣。賈之子孫叔敖也。此年云令尹蔣艾獵。明年云令尹孫叔敖。明一人也。世本文。獵為叔敖之兄。世本多誤。本必不然。使封人慮事。封人。其時主築城者。慮事。謀慮計功。○慮如字。一雅云。無慮。封人。至計功。○正義曰。周禮。封人。凡都邑也。封國。封其四疆。造都邑之封域者。亦如之。大司馬。大役與慮事。受其要。以待考。而賞誅。鄭云。云慮事者。封人也。於有役。司馬與之屬。賦丈尺。與其用人數也。是封人主造城邑。計度人數。此云使封人。故云其時主築城者。慮事者。謀慮城築之事。無則慮之。訖則計功也。史書多有無慮之語。皆謂揆度前事也。以授司徒。司徒掌役量功命日。命作日數。分財用。財用。築作具。平板。幹。幹。榱也。○幹。古旦反。亦作幹。榱音貞。釋詁云。榱。幹榱也。舍。

幹。幹。榱也。○幹。古旦反。亦作幹。榱音貞。釋詁云。榱。幹榱也。舍。

人曰楨正也築墻所立兩木也榦所以當墻兩邊鄣土者也彼楨為榦故謂榦為楨謂墻之兩頭立木也板在兩旁即鄣土者即彼文榦也稱畚築量輕重

畚盛土器盛音成程土物為作程限反又為于偽

稱畚築程土物正義曰畚者盛土之器築者築其輕重均負土與築者之力也程土物謂鍤鏹畚輦之屬為作程限備豫也議遠邇均

勞逸略基趾趾城足略行也趾音止具餼糧均

餼乾食也餼音候糧音良乾食如度有司謀監

主○度待洛反事三旬而成十日為旬不愆于素

不過素所慮之期也傳言叔敖之能使民虔反

○晉卻成子求成于眾狄眾狄疾赤狄之役遂服于

晉赤狄潞氏最强故服役眾狄音路秋會于欒函

眾狄服也是行也諸大夫欲召狄卻成子曰吾聞之

非德莫如勤非勤何以求人能勤有繼其從之也

勤則功繼之詩曰文王既勤止詩頌文王勤以創

業亮反文王猶勤况寡德乎冬楚子為陳夏氏

亂故伐陳十年夏徵舒弑君偽反謂陳人無動

將討於少西氏少西徵舒之祖子夏之名照反

少西至之名正義曰禮以王父字為氏徵舒

以夏為氏知子夏是字少西是名言少西氏者氏

春秋左傳卷之三十三

春秋左傳卷之三十三

弒

屬

猶家也言將討少西之家遂入陳殺夏徵舒轅諸栗門轅車裂

也栗門陳城門音患因縣陳滅陳以為楚縣陳侯

在晉靈公子成公午申叔時使於齊反復命而退

王使讓之曰夏徵舒為不道殺其君寡人以諸侯討

而戮之諸侯縣公皆慶寡人楚縣大夫皆僭稱公

○使所吏反僭子念反以諸侯討而戮之正義曰經無諸

有楚之辱國從行也十二年邲之戰經不書唐而傳

云唐侯為左拒昭十七年長岸之戰經不書隨而傳

言使隨人守舟明此時亦有諸侯但為楚私屬不以告耳女獨不慶寡人何故對

曰猶可辭乎王曰可哉曰夏徵舒弒其君其罪大矣

討而戮之君之義也抑人亦有言曰牽牛以蹊人之

田抑辭也蹊徑也而奪之牛牽牛

以蹊者信有罪矣而奪之牛罰已重矣諸侯之從也

曰討有罪也今縣陳貪其富也以討召諸侯而以貪

歸之無乃不可乎王曰善哉吾未之聞也反之可乎

曰吾儕小人所謂取諸其懷而與之也叔時謙言

小人意淺謂譬如取人物於其懷而還之為愈於不

還○儕仕皆反輩也乃復封陳鄉取一人焉以歸謂之夏州

州鄉屬示討夏氏所獲也復扶又反謂之夏

對可哉

義曰謂之夏州者計夏氏鄉取一故書曰楚子入陳

人以歸楚而成一州故謂之夏州納公孫寧儀行父于陳書有禮也

沒其縣陳本意全以討亂存國為文善其得禮

正義曰言入陳納人為有禮也直言入陳納人是沒其縣陳本意言陳

國見存入而納此人耳是全以討亂存國為文所以善其得禮

○厲之役鄭伯逃歸蓋在六年自是楚未得志焉鄭既受盟于辰陵又微事于晉

為明年楚圍鄭傳十年鄭及楚平既無其事辰陵盟後鄭微事晉

又無端跡傳皆特發以明經也自厲之役鄭南北無

屬故未得志九年楚子伐鄭不以黑壤與伐遠稱厲

兩

之役者志恨在厲役此皆傳上下相包通之義也

古堯反為明至義也○正義曰十年鄭及楚平既

謂經所無也傳若不發此語不知楚以何故明年忽

然圍鄭為此特發此傳以明後年圍鄭之經也自厲

役以來鄭南北兩屬不專心於楚故楚未得志而明

年圍之七年晉為黑壤之會鄭伯在焉厲役在黑壤

之前九年傳言楚子為厲之役故伐鄭事在黑壤之

後而彼傳不以黑壤與伐而遠稱厲之役者楚子之

志所恨在於厲役逃歸不為黑壤會晉故也上指厲

下指辰陵中包黑壤此皆傳上下相包通之義也



